### **Landesbibliothek Oldenburg**

#### Digitalisierung von Drucken

Henr. Ioh. Nepom. Crantz S.C.A. Maiestat. Consiliar.
Institut. Med. Et Mater. Medic. Vindob. Profes. Pub. Ord.
Acad. Imp. Nat. Curios. Et Societ. Botan. Flor. Sodal.
Materiæ Medicæ Et Chirurgicæ ...

Crantz, Heinrich Johann Nepomuk
[Wien], 1765

VI. Purgantia.

urn:nbn:de:gbv:45:1-10189

# VI. PURGANTIA.

Que in ventriculo, & intestinis contenta, ut etiam corporis humores per alvum educunt, PUR-GANTIA sunt.

#### Indicantur

- 1. a fluxu alvi non colliquativo.
- 2. a faburra ibi loci.
- 3. a natura fingulari, generali epidemica morbi.
- 4. a coctione.
- 5. a revulfione.
- 6. In colica pictonum cum anodynis. GRASHUIS, HUXHAM.
- 7. In vermibus.

Petuntur hæcce ex diluentibus, fimul leniter stimulantibus, magna copia, ieiuno stomacho, in frigore moderato haustis.

AQUÆ MEDICATÆ Offic. Hydrolog. Sapidæ. Classis Naturalis Aquarum terrestrium Ordo Sapidarum. Germ. Gesundbrunn, Bäder. Gallis Eaux medicinales. Anglis The medicinal or mineral waters.

AQUÆ hæ a connubio mineralium minerales, a salutari essectu soteriæ, & ab acido acidulæ dictæ, ratione interni, vel externi usus in aquas medicatas, vel thermas dividuntur. Quod harum dotes spectat, sunt aliis potabilibus aquis graviores, quanquam simul spi-O 3 rituofiores existant, Caturientes dirissimo frigore in glaciem difficilius concedunt, multa cura asservatæ corruptioni resistunt, neglectæ vero maiorem quam aliiæ concipiunt, quam acidum fossile minima quantitate additum prævertit. Hæ principiis variis constant, in omnibus eminentia dicam.

AQUE ANTONIANE spirituose, spiritu & sapore & odore acidulo mobilissimo instructæ, gratæ, temperatæ, nec alvum nec urinam nimium movent, præter spiritum mineralem, alcalinam terram, & sal commune continent. Hystericis, & hypochondriacis cum essectu dantur, etiam acute decumbentibus porriguntur,

AQUÆ EGRANÆ, sale mediæ naturæ vero GLAUBERI imprægnatæ, magis purgantes, infarctus viscerum multum levant.

AQUÆ CAROLINÆ sal medium cum magna quantitate alcali & terra calcarea possident, alvum & diuresim movent, in saburra atrabiliaria pulchre profunt, L. B. van SWIETEN.

AQUÆ PIPERINÆ. Simplicissimæ, spirituosæ, in simplici humorum dilutione, etiam acrimoniæ muriaticæ e sanguine elutione, conveniunt.

AQUÆ PYRMONTANÆ, spirituosæ, ferratæ, penetrantes specie salis mirabilis glaubers & plurimis aliis constantes, maximam vim habent in morbis chronicis & rebellibus.

AQUÆROITSCHENSES, ferratæ. Labefactata post febres intermittentes, præmissis præmittendis, viscera sirmant,

AQUÆ

AQUÆ SELTERANÆ fale alcalino divites, lixiviosæ mites, diuresim magis quam alvum sollicitant,
in phthisi incipiente cum lacte utiles zaffius, in cacochymia purulenta L. B. van swiften, item
in acido austero in corpore prædominante idem Comment. T. III. Tum in Mania, & dementia repetito experimento probavit boneken Gazette Salut.
Nro. I. 1762.

AQUE SCHWALBACENSES ferratæ, inter Egranas, & Pyrmontanas quasi mediæ, licet Egranis magis spirituosæ hypochondriacis, & hystericis suadentur.

AQUÆ SEDLICENSES salem neutrum, alvum sollicitantem, habent.

AQUE SPADANE, martiales, cum spiritu minerali acido sulphureo & spirituoso, levissima, alvum adstringentes, DE PRESSEUX in roborando venere exhaustos reliquis omnibus palmam præripiunt multiplici experimento TYSSOT. Fons Geronfterinus, paralysi, atrophiæ a colica pictonum utilis, IDEM: in seorbuto Savenirium laudat, in ulceribus ex Pouhontio lotionem, clysmata etiam ex Pouhontio in vermibus utilia habet, IDEM; & quod mirum! omnia infecta, ranæ, pisces, hos fontes nunquam attingunt, attingentes moriuntur. Potantur in chlorofi, mensium defectu, & excessu, licet cæterum instantibus, vel etiam fluentibus non fumendæ. Non utilis hypochondriacis, scirrhosis, fons Geronsterinus, ZAFFIUS; neque plethoricis, morbis capitis laborantibus, DE PRES-SEUX. Convenit e contra pallidis, pituitofis, ad motus convulfivos, & leipothymiam proclivibus, IDEM; aliis Savenerius, & Pouhontius prodest.

0 4

Sub harum vero aquarum acidularum usu, tum ab alimentis alcalinis, tum ab eiusdem indolis medicamentis, etiam a saponibus abstinere convenit; contra vero indulgere motu. Assumuntur unius, duarum, trium, quatuorve librarum mensura per diem, oportet enim his ventriculum assuescere, summa enim illico dosis periculosa foret.

# EX SALINIS SEU NATRIS.

NATRUM improprie quidem nonnulli hodie vocant, ex foteriis fontibus eductum fal medium, quod in longas quadratas & compressas crystallos coit, amarum sit, igne facile fundatur, & multa facilitate ad æquales fere portiones etiam in aqua frigida solvatur. Acidum eius vitriolicum est, basis terrea, aut illi magnesiæ similis, aut terreæ salis communis. Ex hisce vero clarum sit, Natrum hocce, Natrum veterum non esse. Cæterum illius species sequentes sunt.

## SAL CATHARTICUM AMARUM, s.

SAL ANGLICUM, aut EPSOMENSE, quondam ex fonte, ad lapidis ab urbe Epfon distantia, factum ex muria aquæ marinæ, post marini salis crystallisationem residua hodie potissimum paratur, & in omnibus aliis regionibus æque parari ac in Anglia posset. Hic dicitur constare acido vitriolico, & basi magnesiæ simili; illis iisdem ac Sal Glauberi principiis, dum perhibent ex sale Epsomensi sieri sola dissolutione in aqua, & nova crystallisatione salem Glauberi, & vicissim ex soluto Glauberi sale, interrupta crystallisationis regularitate, salem obtineri Epsomensem. Cæterum in exigua aquæ quantitate hic sal facile solvitur.

SAL

SAL SEDLIZENSE quod ex libra vulgari aquæ II. drach. pondere elicitur.

SEIDSCHUTZENSE.
ELSTERANUM.
EGRANUM.
THERMARUM Carolinarum.

Scopo purgandi a drachmis duabus ad drachmas sex, unciam unam, exhibentur in libra semis, una aquæ, adiecta quæ palato grata sit aqua aliqua stillatitia. Scopo diuretico vero aut minor salis, aut maior aquæ sumitur quantitas, imperato simul regimine. His addi possunt

MAGNESIA alba. Terra calcarea est, acido nitri parum imprægnata, dicta p. 102.

SAL MIRABILE GLAUBERI.

# EX LUBRICANTIBUS LENITER ACRIBUS SIMUL.

CASSIA FISTULA. Offic. Botanicor. Classis Pauci-stam. Germ. Casien-Röslein. Gallis Casse. Anglis Cassia.

CASSIA foliis quinque pinnis, in filiqua pulpam demulcentem, leniter eccoproticam habet, multum laudatam, per setaceum traiectam puram, mundatam, etiam infantibus a drachma semis ad scrupulos duos, adultis a drachmis duabus ad unciam unam semis, cui & alia purgantia addi possunt: In decocto tota ab uncia una ad tres datur, in clystere pulpa ad uncias duas præ-

præscribitur: cum pulpa tamarindorum, sale medio, purgans antiphlogisticum concinnari solet, in initio morborum acutorum utile: optimum pariter gravidarum purgans est. Iam olim ad nephritidem calculossam, calculum, laudata cassia, multis adhuc in usu, & urinam viridi colore tingit.

MANNA Offic. Botanicorum FRAXINI fuccus. Classis Naturalis Incomplet. Germ. Manna. Gallis Manne. Anglis Manna.

FRAXINUS floribus completis, sponte, vel per vulnus lacrymam melleam, subdiaphanam fundit, Optima alba est, Calabrina. Hæcin aere humido liquescit, in aqua solvitur, & interveniente caloris beneficio etiam in spiritu vini; in aqua soluta, & in priorem consistentiam redacta, obscurioris coloris est, unde haud depuranda.

Cæterum specificum eccoproticum est hoc medicamentum iunioribus unius, duarum drachmarum pondere se solutum, adultioribus etiam duarum, imo trium unciarum mole exhibendum per se, minori vero dosi additis aliis, uti tartaro solubili, sale polychresto, cremore tartari, cassiæ, ut & Tamarindorum pulpa, quibus satua mannæ dulcedo corrigatur; hocque modo conficitur remedium purgans antiphlogissicum nulli grave. Ipsa manna etiam in ashmate humorali, & in morbis hypochondriacis, utilis habetur; contra calculum in se ipso expertus sydenam.

PRÆPARATUM, Syrupus Mannatus.

MEL vide antidota.

MYROBALANI p. 18.

PO-

POLYPODIUM Offic. Botanicorum. Classis Naturalis Cryptantherarum. Ordo filicum. German. Engelsfus. Gallis Polipode. Anglis Polypodie. Italis Polipodio.

POLYPODIUM fronde pinnata, pinnis lanceolatis, alternis, connato-sessibus, radicem dulcem, subnauseosam, alvum leniter moventem, insusis laxantibus plerumque addendam, officinis subministrat: unciæ semis, unius dosi, purgandi, drachmæ unius in insuso, reserandi, aperiendi scopo utilis dicitur, ut etiam essicacissima in podagra, arthritide habeatur, & in mania malouin Acad. de Paris 1751. laudet,

SACCHARUM p. 152. fq.

SYRUPUS Rofarum folutivus.

RHABARBARUM MONACHORUM Offic.

Botanicorum RUMEX. Classis Natur. Paucistam. Germ. Mönch - Rabarber.

RUMICIS floribus hermaphroditis, valvulis integerrimis, tunica granulo notata, amaricans, austera radix, eccoprotica, raro hodie interno dicatur usui; decoctum ulcera mundat, adstringit, unciæ unius, unius semis dosi.

> RHAPONTICUM Off. Botanic. RHEUM. Classis Pauci-stam. Germ. Rapontik. Gallis Rapontic.

RHAPONTICUM foliis glabris radicem amaram, subadstringentem, purgantem, largitur, hodie exoletam,

RHA-

RHABARBARUM Verum Off. RHEUM Botanicorum. Classis Pauci-stam, Germ. Rhabarber. Gallis Rhubarbe. Anglis Rhubarbe.

RHEUM foliis subvillosis, usitatissimum, etiam innocuum purgans, pueris, ob muci copiam, quam detrahit, & fibrarum robur, quod addit, maxime conveniens: datur a granis octo ad quindecim in pulvere, in infuso ad drachmas duas: cæterum minori dosi datum, & aliis iuncsum, roborantem virtutem habet, non tamen ullam ad alios morbos specificam. Torretur etiam in alvi sluxibus, ut magis roboret, minus purget.

PRÆPARATA. Extractum Rhabarbari: dosis scrupulus, drachma semis. Tinctura rhei aquosa. Dossis unc. duæ, tres, cochleatim sumendæ, guttis XXX. XL. liquoris anodyni mineralis remixtæ.

TAMARINDI Offic. Botanicorum Classis Pauci stam. Germ. Tamarinden. Gallis Tamarins. Anglis Tamarind.

TAMARINDUS TOUR. SLOAN, fera utriusque Indiæ, Ægypti, Arabiæ arbor, fructus filiquofos pulpa, cui semina insint, farctos gignit. Pulpa ipsa in Medicinam adhibetur, alia abiiciuntur. Est vero pulpa, grata plurimis fermentatione perdenda aciditate prædita, non exigua salis essentialis & mucilaginis vi temperata, docet experimentum; nam & salem essentialem colore rusum, sapore acidum ex Tamarindis primus extraxit BAUME Pharm. hic sal aqua frigida lotus saporem fere omnem & aciditatem amittit, calida solutus crystallisatus albus insipidus est, miræ tamen adhuc naturæ phænomena tartari exhibens plurima

rima & acidi falis; nam & in igne ut tartarus ardet, halitum etiam eundem fundit, solutionem Mercurii acido Nitri factam albo coagulo præcipitat, dum nec salium tyrannus, nec vitrioli concentratus aut dilutus acor illum minime mutat aut thalamo suo dissolvit, IDEM, inaudito fidelitatis exemplo.

USUS MEDICUS ad alvum laxandam multus, tum alias tum maxime in Saburra alcalina biliosa, quam pariter invertit utilis; quare & ructibus nidorosis & colicæ biliosæ, & diarrhææ & dysenteriæ, & aliis ab eadem causa exortis morbis Tamarindi auxilio sunt. Decoquuntur unciæ semis unius dosi ut forma haustus, apozematis adiecto tartaro vini vel sale acetosellæ vel Anglicano, aut Sedlizensi exhibeantur; alias etiam coccis in aqua Tamarindis senna Rheumve infunditur, ut inde vis purgans actuetur. Datur pariter pulpa Tamarindorum drachmarum trium unciæ semis pondere cum salibus modo memoratis in lactis sero diluta. Cæterum electuarii commoda sorma est nec gravidis nec invenibus exosa aut periculosa, dum Cassiæ & Tamarindorum iunctæ pulpæ Rheo & sale imprægnantur.

#### EX ACRIBUS.

GUMMI AMMONIACUM.

GALBANUM.

OPOPANAX.

SAGAPENUM, maiori affumpta dofi.

ALOE Offic. Botanicorum Classis Naturalis Liliorum. Germ. Aloe. Gallis Aloe. Anglis Aloe.

ALOE foliis spinosis, confertis, dentatis, vaginantibus, planis, maculatis, tres sub se varietates complectiplectitur, vulgarem Hepaticam officinis, floribus suave rubentibus, Succetrinam officinis, Guinensem maculatam, caballinam demum officinis. Rarioris usus caballina, nigrior, impurior, frequentioris hepatica, & succetrina puriores, purissima ex succetrina lucida facta.

Est vero Aloe officinarum expressus & inspissatus succus aloes, odoris nauseosi, saporis amarissimi, callidi, mirum corpus absque multa resina tenacissimum maximeque glutinosum, septimam sui ponderis partem vix resinosam habens, tamen omnium optime in spiritu vini rectificato, tum in spiritu vini, aqua, minime vero in vino albo solubile Pharmacien moderne l. c. tum ad ignem paulo longius decoctum enervatur & plane inessicax sit, ni doss eius intendatur moffman No Observat. Physico-Chem. ut & inde de insuccatis Aloes præparatis facilis sit censura.

VIS MEDICA alvum movens, purgans nota, granorum quindecim, viginti, triginta dosi; aperiens, obstructiones, icterum folvens, a granis quatuor ad decem non infima. Notari meretur crebriorem eius usum ad hæmorrhoides disponere, & hæmorrhoides suppressas hoc medicamento revocari, tum non per se folam exhibendam Aloem esse, sed continuo cum aliis tenacitatem eius dividentibus præscribendam, quæ res nonnullis arcana est; & inde encomia pilularum Francofurtenfinm aloeticarum, ut & anglicarum. ra vero, quæ aloes gluten dividant, funt fal tartari, fapo venetus, faccharum, Manna, Mel, Bilis, ovorum vitellus: omnium optime Aloe cum bile animalium, & sapone veneto præscribitur. Anthelmintica non est, ex experimentis RHEDI, quibus constat, aloen, Colocynthidem, pluraque alia amara hac destitui essicacia, absynthium tamen, & corticem peruvianum hac haud carere. IDEM. Cæterum noxia dicitur Aloe biliosis & ad Hemoptoen dispositis.

Externe vis balfamica in multa utilis, in condituaras cadaverum, in abstersionem sordidorum ulcerum, ossum cariosorum curationem, adhuc ulceribus sinuosis, sistulis, soluta iniicitur. Multi exigua dosi collyriis etiam addunt.

PREPARATA esse possiont Tinsturae aloes aquofa, vel spirituosa extemporanea, sistulis utiles; Eliair proprietatis PARACELSI, aloen, crocum, myrrham, recipiens. Pilula RUFFI elixir proprietatis siccum: alia praparata aloes insuccata suis placent Autoribus.

MERCURIUS dulcis grosso modo tritus. Las chantibus grana quinque, decem, pueris scrupulus datur.

## EX ACRIORIBUS.

AGARICUS Offic. Botanicorum FUNGUS. Classis Naturalis Fungorum. Germ. Lerchenschwam. Gallis Agaric. Anglis Agarike.

FUNGUS laricis, acer, nauseosus, vim eximiam eccoproticam habet, drachmæ semis, unius dosi, in pulvere, drachmarum duarum ad quatuor in insuso.

ASARUM p. 210.
CARTHAMI femina
HERMODACTYLI vide Venena.

IA.

IALAPPA Offic. Botanicorum. Classis Naturalis fructissor. Germ. Ialappen-wurtz. Anglis lalap. Gallis Ialap.

IALAPPA floribus congestis terminalibus erectis, familiare purgans; infantibus grana duo, tria, quatuor, pueris debilibus grana sex, decem, adultis dimidia drachma, scrupuli duo conveniunt. Ialappa nulla indiget emendatione, GEOFFROY Mat. Med. & nulla huius medicamentis præparatio melior, quam ipsamet eius substantia, IDEM. BOULDUC. QUINCY. L. B. van swieten T. IV. maxime fi faccharo teratur ut eius tenacitas refinofa, a qua imprimis metuendum videtur frangatur. Tutum est anthelminticum. Nec refina uberius evacuat, imo fæpe minus, & femper cum molestia & torminibus GEOFFROY, ut in plurimis Chemica arte carere medicina possit & debeat Pharm. moder. l. c. dum enim in extractionem refine impensa cura fuit, in correctionem eiusdem nova impendi debet QUINCY.

PRÆPARATA. Extractum ad scrupulum. Resina, quam copiosam largitur, ad grana decem, duodecim, cuius tenacitas amygdalis dividenda, vel forma
pulveris, vel emulsi dari potest, etiam spiritu vini
soluta cum syrupo violarum: vis resinæ salibus multum acuitur; viginti alvi deiectiones, a semi drachma cremoris tartari, & duobus resinæ ialappæ granis pechlinus habet, haud samiliari eventu.

MECHOACANNA Off. Botan. CONVOL-VULUS, Classis Pauci-stam. Germ. Mechoacan. Gallis Mechoacan. Anglis Mechoacan.

CONVOLVULUS Mechoacan, subinsipidus, inodorus, eccoproticus, infantibus haud incommodus granogranorum quinque ad decem, adultis drachmæ unius in pulvere, in infuso vero drachmæ unius ad quatuor pondere. Decoctione eius vis purgans perit. Hæc purgatio plurimum laudatur in catarrhosis, æ frigidis affectibus epilepsiæ, ashmatis, arthritidis, strumarum.

SCAMMONEUM Offic. Botanicorum CON-VOLVULUS. Classis Pauci - stam. Germ. Scammonien. Gallis Scammonee. Anglis Scammonye.

CONVOLVULI, foliis sagittatis, posice truncatis, pedunculis ramosis, bistoris, gunmoso-resinossus succus, amarus est, purgans, sanguinem solvens, exiguis dosibus venenatus. L. B. van swieten. Purgandi scopo a granis quinque ad quindecim exhibetur saccharo sub chum scammonium. Diagrydium, & aliæ correctiones, inutiles. Resina laudabilis, a granis quinque ad decem in spiritu vini exhibenda. Cæterum acuendi intentione aliis purgantibus grana duo, tria adiiciuntur. Sincerum habetur, quod cito solvitur in aqua, quam lactescere cum virore facit. Russel Medical observations and inquiries by a Society of physicians in London Vol. I.

SENNA Offic. Botanicorum CASSIA. Claffis Pauci-stam. Germ. Senes-Blætter. Anglis Sene, Gallis Senné.

CASSIA foliolis fubovatis, trium quatuor parium, & Sennam Alexandrinam, & Italicam species, complectitur. Alexandrina folia & folliculos, Italica fola folia largitur. Sintne folia sennæ Italicæ Alexandrinis Cranz M. M. T. II.

inferiora? LINNEUS negat, ut folia Alexandrina per excellentiam male præscribantur, & frequentius adhibeantur. An sipites tormina faciunt? L. B. van swieten observare non potuit. Id decoctio efficit, ut etiam hypercatharsin excitent, HEISTER, sed etiam pulvis hæc facit, GEOFFROY. Cæterum antiquissimum purgans, datur forma pulveris a scrupulo ad drachmam femis, in infufo a drachmis duabus ad unciam femis, vel folum, vel cum aliis. gratum sennæ saporem folia scrophulariæ corrigunt, MARCHAND. Acad. des Sciences. Dosis dimidium ponderis sennæ ad hanc correctionem adæquata est, maior enim laxantem vim frangit Acad. N. C. Vol. X. Cl. RITTER. Senna decoqui non debet, nec Rheum nec Myrobalani, nec alia purgantia non acida, cæterum roboratura magis, purgatura minus.

VOLVULUS. Classis Pauci-stam. Germ. Meerwinde. Gallis Chaux de Mer. Anglis Seecoole.

cum, hydragogum medicamentum est, hydropicis utile, tam in succo lacteo ad semi unciam, unam, dato hydropicis, quam in decocto, insuso, aut pulvere. Folia quinque in insuso theisormi dedit puella L. B. van awieten, vigesies quinquies purgata est. Caterum soldanella pulvis a scrupulo semis ad scrupulos duos, in insuso a drachma semis ad drachmas duas datur. Recentia solia cedemati applicata saluti sunt.

tolla, benez lulice AZE

SYRU-

SYRUPUS, infusum florum Persicorum P. I. P. 51.

TURPETHUM Offic. Botanicorum CON.
VOLVULUS. Classis Pauci stam. Germ.
Turbith, Gallis Turbith. Anglis Turbith.

CONVOLVULUS foliis cordatis, angulatis, taule membranaceo, quadrangulo, gummosus est, tardius purgat, in hydrope, arthritide utilis: pro purgante a granis septem ad decem, triginta, quadraginta, in pulvere, a drachma semis, ad tres in insuso datur. Rarioris est usus.

TURIONES SAMBUCI P. I. p. 57. fq. EBULI p. 73.

## EXACERRIMIS.

BRYONIA Offic. Botanicorum. Classis Naturalis Incompletarum. Germ. Stickwurtz. Gallis Colovréc. Anglis Bryonie.

BRYONIA foliis quinquangulis, scabris, acris, amara, nauseosa, saporem, & odorem opio analogum habet, ut instar opii agere videatur, NICOLAI. Tamen valide corpus mutat, acriter purgat, ut hydropicum etiam emungat, & maniæ opposuerit syden. HAM, epilepsiæ alii. Parca quantitate emmenagogis additum mire eorum actionem iuvare solet. Radix pulverata ad scrupulum, drachmam semis, pro dosi sumitur: drachmæ unius, duarum pondere, in vino Pa

pro haussu coquitur. Suc us raro datur; qui drachinæ unius dosi syrupo immisceri pro haustu posset. Extracti dosim drachmæ unius facit LINNÆUS. Externe potenter discutit cataplasma radicis recentis crudum, siccatæ coctum, addito vino etiam sale ammoniaco, & tum pariter strumis utile. Fœcula inutilis.

COLOCYNTHIS Offic. Botanicorum CU. CUMIS. Classis Naturalis Incompletarum. Germ. Coloquinte. Gallis Coloquinte. Anglis The bitter Gourde.

CUCUMERIS foliis multifidis, pomis globofis, glabris, amarillima pulpa, maxime drastica, ut etiam inflammet, exulceret, epilepsiæ opposita, Linne us. Interno usu cautissime danda, & monet Illustr. van swieten parcissima dosi datam pulpam egregium emmenagogum esse; dum V. G. illius pulvis aliis pulveribus ita additur, ut omni trihorio vel quadrihorio grani octava pars assumatur, aut etiam alia ratione pilulas ingrediatur.

Externe clysmatibus ad lethargum, apoplexiam ferosam, maxime adhibetur hodie, ad drachmam unam. Præparata multis magis usitata sunt, ut

TROCHISCI ALHANDAL. Colocynthidis pulpa gummi arabico temperata, securior est simplici. Dosis a granis duobus ad decem; soco stimuli a grano uno, ad tria. Extrassum habetur: est etiam oleum.

ELA-

ELATERIUM. vide Venena.

ESULA. vide Venena.

EUPHORBIUM, vide Venena.

GRATIOLA Off. Botanicorum. Classis Naturalis Ringentium, Germ. Wild-Aurin. Galtis Gratiole. Anglis Hedge, Hyssope.

GRATIOLA floribus pedunculatis, foliis lanceolatis, serrațis: amara planta non folum alvum, sed etiam vomitum movet. Hydropicis convenit, & datur pro purgante în pulvere a granis quindecim ad triginta, în infuso a drachma una, ad duas, sed validum corpus requirit, CHOMEL. Est etiam purgans radix, quam pulverisatam a scrupulo semis ad drachmam semis MORELLUS exhibet, & idem præstare în dysenteria ac îpecacuanham, BOULDUC affirmat, qui etiam insignem vim anthelminticam în ea lacti însusa invenit Acad. des Sciences 1705. Extractum non prostat.

GOMMI GOTTE Offic. CAMBOGIA

Botanicorum. Classis Multi-stam. Gallis
Gommegutte. Anglis Gamboge.

CAMBOGIA succum fundit resinoso-guminosum, hydropicis utilem, scopo purgandi, a granis duobus ad quatuor, a quatuor ad decem; sæpe etiam vomitum movet; in hoe medicamento id tenendum, quod licet emeticum, bis tamen lotum purgans placidum siat, iensenius Prod. Act. Med. Havniensum, & a granis quinque incipiendo, sensim ascen-P 3 dendendo ad grana quindecim, exhibendo alternis diebus, hydropicos curaverit. Ibidem Observat. V. licet dosi minori etiam sufficere nicolai reliquerit, scilicet gr. quatuor cum pulvere radicis squillæ & vincetoxici. Sed forma pulveris haud adeo conveniens ALLEYNE, nec sine lixivioso sale vel saccharo facilis, idem, optima pilularis vel boli. Multum salis habet hoc medicamentum, qui diureticus sit. Boulduc Acad. des Sciences.

HELLEBORUS niger vide Venena.

IRIS p. 177.

MERCURIUS pracip. Albus

Flavus

Ruber p. 196. fq.

ROSÆ PALLIDÆ SYRUPUS Rofarum folutivus.

SPINA CERVINA Offic. Botanicorum. RHAMNUS. Classis Naturalis Incompletarum. Germ. Creutz - Beer. Gallis Neprun. Anglis Buck - thorn.

RHAMNUS spinosus, foliis ovatis, acuminatis, serratis, baccas habet nauseosas, amaras, purgantes, in arthritide utiles. Baccæ viginti, triginta numero, succus a drachmis duabus ad unciam semis, & syrupus unciæ dosi, alvum satis movent. Usitatissimus est syrupus inde confectus, de spina cervina, vel etiam domesticus dictus, qui & infantibus datur drachmæ unius,

unius, duarum pondere, adultis unciæ unius, duarum mole.

VERATRUM vide Venena.

#### PURGATIONE M INHIBENTIA.

- I. Oleofa.
- 2. Acida, Area Month and the
- 3. Adstringentia. Simarouba.
- 4. Opiata.
- 5. Vomitoria,



Sangharing A. J. L. M.

weeklessen out a labeled to the

CLAS-

#### CLASSIS DUODECIMA

# ANODYNA

ET

# NARCOTICA.

Quæ dolorem in toto vel parte leniunt, demulcent, mutando, vel tollendo causam, ANO-DYNA, atque hæc quidem varia ex materie peti possunt. Quæ vero solam animam captivant, & quasi inebriant, insensilem reddunt, NARCOTICA, & maiori gradu STUPEFACIENTIA dicuntur.

Indicantur ad mitigationem fymptomatum

- I. Doloris.
- 2. Vigiliarum nimiarum a nimio motu fpiri-
- 3. In excretionibus nimiis.
- 4. In convulsionibus.

## LENIORA.

### CHAMOMILLA Nofiras

Romana p. 187. fq.

CHAMOMILLÆ Romanæ flores decocti, decoctum admodum falfum efficiunt, adeo quidem, ac